

張文烈公遺詩

順德鄧 實校錄

園居

翛然小菊林獨枕江臬遠竹籬通復隔花徑窮又轉近植旃檀香遠峯青蓮
展主人日多暇疎茅手日翦芝田放鶴耕蘿幌呼猿捲有時縱短筇獨自下
蘭坂寒雲送疏鐘遙驚隔林犬歸來到蒲團坐看松雲岫

過江臬留題

幽棲異人境永日息衆紛池塘過涼雨窗戶猶蒸雲石奇屢延展花落自成
茵停策聽鶯啼隔水望鷗羣是時日在參嘉禾猶欣欣綠醕瀉碧筒香飯糲
青芹彼美區中人逍遙自采真地偏絕攀援心遠無垢氛伊予秉微尚願與
木石隣相期拾瑤草永結握蘭芳徘徊長林下敬謝修竹君好爲開芳徑毋
令隔青塵

錄別

鴛鴦戲清池兩兩常相倚羽翼臨當乖風波中道起相對尙難知何況萬餘里毛褐雖云賤不奪於紈綺來親去者疏毋爲貴公子一心抱區區君諒執高誼

阻風江上

涼颼撼江樹驟雨鳴相應引領盼前峰重雲隱飛磴廻舟向淺渚遙赴煙林暝雖阻利涉心頗盡沿洄興蒹葭共託詠幽蘭相折贈不亂鷗鳥羣翻取風濤靜夷險皆有適行止原無定焚香理素琴坐看歸帆競

金陵別陳髯公

雙鴻泊故林弋者忽言慕驚飛來遠天樓遲漢陽樹繪繳稍疏脫飲啄方爲故擬此暫閒適悠悠狎烟渚薰風自南來又爾振其羽江烟半入吳水色猶連楚中道各言邁羽翼乖其處我破燕山雲子披錢塘霧燕雀戀低枝區區何足數振翮凌霄漢翱翔向雲路飛飛念舊羣九萬仍回顧落日動離愁含

情悵南浦

白門舟中

棲遲白門下行采青溪，
蕨隔水望三山迢迢不可越。
中路逢勝友，相攜理蘭
櫓。霜葉兼帆度，江花背棹發。
東迎晨曦出，西送素輝沒。
彼美隔蒹葭，一水如天末。
瓊枝未獲夢，瑤草何由掇。
相期赴良晤，毋令蕙草歇。

游海淀題石上

稜稜碧山骨，奇與巧兼擅。
似經鬼斧斲，誰遣神鞭轉。
主人國柱石，搜羅置亭院。
巖壑相蔽虧，峰巒互隱現。
雲生蓮勢動，雨過苔文絢。
旣藏宛委篇，亦豎韓陵片。
鏗鏘流賦響，錚錚答歌串。
生成補天物，五色不待鍊。
岫幌晝常開，磴道時獨踐。
會當逐靈槎，言歸天漢口。
歲旱望爲霖，好作零陵燕。

圯上懷留侯

楚楚韓公子，意氣何慨慷。
破產結壯士，憤此宗國亡。
往往感異人，出身爲連